

سنه لکی در سعادت ایچون مجیدیه
بکرمی غروش حسابیه التمش
غروشدر

طشره ایچون پوسته اجرتی اوله رق
اون بیش غروش ضم اولنور

نسخه سی ۴۰ پاره در

فکرانک محاکمات

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجربین و تحویل

طرابلس غرب ولایتی مرکز بدایت محکمه سی سر
مستنطقلکنه طرزون ولایتی مستنطقلکندن مفصل
ضیا افندی

یوزغاد سنجاغی بدایت محکمه سی اجرا مأموریتنه
عربکر قضاسی بدایت محکمه سی ایکنجی کتابتندن
مستغنی عثمان خاکی افندی تعیین اولنش و مومی الهمانک
اصول مقررده وجهله امر تحلیفلی اجرا ایدلمشدر.

تبلیغات

بعض جوامع و خیرات شریفه به وحویلیرینه
و مشتملات سائر سنه و اجاره واحدلی عقارات و قفیه به
جوار بولسان اماکن اصحابی طرفندن اون سکنز
پارمقدن اقل آراق اولمدینی حالده پنجره آچیلور
وهرنه صورتله اولور ایسه اولسون تجاوز و قوعبولور
ایسه تجاوزات و انشآت واقعنه بر محکمه قرارینه محتاج
اولمق سزین دوائر بلدییه طرفندن منع و تعطیلله بویولده
و قوعبوله حق مضار فک بلدییه قانونه توفیقاً متجاسر.
لرندن عادیاً تحصیل خصوصنک شمیدین اصول اتخاذا
و شمیدی به قدر او یولده آچیلمش پنجره و قوع و وقوع
بولمش تجاوزات بولندینی حالده بوقرارک آنلر حقنده ده
تطبیق و اجراسی ایله برابر ابنیه قانوننک انشای
تعیدلنده بر ماده مخصوصه درج و علاوه سی خصوصه
شورای دولت قراریه بالاستیدان اراده سنیه
حضرت خلافتناهی شرف متعلق بیورلش اولدیغنه
و برمنطوق امر و فرمان هایون قرار مذکور احکا.
منک شمیدین تطبیق و اجراسی حالده خیرات و مبرات
شریفه به شمیدی به قدر و قوعبولش و آتیا و قوعبو.
له حق بالجمله تجاوزاتک اوکی آلمش اوله رق قانون
مذکورک اجرای تعدیلاتی زمانه انتظاره محل قالمیه
جغنه بناء قرار مزبورک موقع اجرایه وضعیه بوجه
محرر بوقانونه انشای تعدیله او یولده بر ماده مخصوصه
درج و علاوه سنکده پیش نظرده بولندیرلمسی لزومنک

شهر امانت جلیله سنه تبلیغی لزومی اولجه شورای
مذکور قراریه داخلیه نظارت جلیله سنه انبا و اوقاف
هایون نظارت جلیله سنه ده معلومات اعطا قلندیغندن
دائرة عدلیه به دخی ایجابنک اجراسی حقنده وارد
اولان ۱۴ تموز سنه ۳۱۷ تاریخلی تذکره سامیه
اوزرینه اجرای ایجابی در سعادت و ولایات شاهانه محاکم
استینافیه سی مدعی عمومیلکیرینه تعمیاً تبلیغ و انبا
قلنمشدر.

توتون جزای نقدی سی ایله محکوم اولان اشخاصک
جزای نقدی بی ایفادن امتناعی حالنده جزای نقدی
مذکورک حبسه تحویلی حقنده رژی اداره سی طرفندن
ویریه جک استدعانا مده ربع اعلام خرجی آلتوب آلمیه
جنی حقنده آتیه ولایتی استیناف محکمه سی مدعی عموم.
میلکندن و قوعبولان اشعاره. جزای نقدینک حبسه
تحویلی ادعاسی مستقل بر دعوی اولدینی و بالمحاکه
لاحق اوله حق حکمی حاوی ویریه جک اعلامدن
خرج آلتیه جنی جهتله رژی نظامنامه سی احکامنه
و تبلیغات سابقه مقتضاسنه توفیقاً جزای نقدی ایله
محکوم علیک حبسی حقنده ویریه جک استدعانا مده
اوزرینه ربع خرج آلتیق لازمکه چکی جوابی انجمن
عدلیه افاده سیله ذکر اولنان مدعی عمومیلکه تبلیغ
اولنمشدر.

موصل ولایتی بدایت محکمه سی جزا دائره سندن
ویریلان اعلامات غیاییه ایله استیناف محکمه سنک حکم
غیابی حاوی اولان اعلاملری محکوم علیله تبلیغ
اولنمق سزین مدعی عمومی معاونلکینه لاجل التبلیغ تودیع
قلنمقده اولوب حالبوکه بومثللو اعلاماتک مدعی عمومی
معاونلری طرفندن تبلیغ اولنه جغنه دائر قانونده
بر صراحت کورلما مکده اولدیغندن بمثلله اعلامات
مذکورنک محاکم طرفندن علی الاصول اجرای
تبلیغیه تبلیغ علم و خبرینک اوراق میاننده حفظی
و کسب قطعیت ایتدکدن صکره برای اجرا مدعی
عمومی معاونلکینه اعطاسی حقنده موصل ولایتی
مرکز بدایت محکمه سی مدعی عمومی معاونلکندن

و قوعبولان اشعاره. اعلامات جزاییه احکامنک
تنفید و اجراسی معامله سی مدعی عمومیلکه عائد بر
کیفیت ایسه ده معامله تبلیغیه نک ایفاسی حکم غیابی
اعطا ایدن محکمه نک جمله وظائفندن بولنمسیله بر حکم
غیابی صدورنده محکمه به اعلامی بالتنظیم بر صورتی
محکوم علیه تبلیغ اولنورق مدت قانونیه سی طرفنده
اعتراض و قوعبولدینی تقدیرده لاجل التنفید مدعی
عمومیلکه تودیی ایجابات قانونیه ایله اتخاذا اولنش
اصول جاریه اقتضاسندن اولسنه بناء بعدما موصل
محاکم مرکزیه سنجه دخی او یولده معامله اجراسی
لازم که چکی جوابی انجمن عدلیه افاده سیله اعطا
قلنمشدر.

محاکمات و مقدمات

میخالیچ قضاسنک ملک قریه سندن حاجی حسنک
کیفیت قتلندن دولای جنایتله اتهام اولنان قریه
مرقومه لی شعبان بن حاجی احمدک اون بش سنه
مدتله کورکه قونلنسنه دائر خداوندکار ولایتی استیناف
محکمه سی جزا دائره سندن ایکنجی دفعه اوله رق اعطا
قلنان یدییوز طقسان یدی نومرولی اعلام محکمه
تمیز جزا دائره سنجه تصدیق اولنمشدر.

احمد بن سعید کاشور ایله رفقاسنک انشای
راهنده اولکیرینه چیقهرق اشیا و حیوانلرینی جبراً
سرقت ایتدکلی ادا اولنمندن دولای جنایتله اتهام
ایدیلن محمود بن خلف ناجی و نجم بن حمورک بشر
سنه مدتله کورکه قونلنسنه دائر حلب ولایتی استیناف
محکمه سی جزا دائره سندن ویریلن بشیوز اونبر نومرولی
اعلام محکمه تمیز جزا دائره سنجه تصدیق اولنمشدر.

یکی بازار سنجاغنه تابع قولاشین قضاسنک مسلیک
قریه سندن کورویه قتل قصدیله سلاح انداخت
و میدیچه ایله زور یجه خاتونلری جرح ایتنندن دولای
جنایتله متهم اولان واسطوزر قریه سی اهالی سندن

پريشه ولد مينهك اوج سنه مدته كوركه قولنسه
داثر لواء مذكور بدايت محكمهسى جزا دائرهسندن
ويريلن اون طقوز نومرولى اعلام محكمه تمين جزا
دائرهسنجه تصديق ايدلمشدر .

بولواين قصبهسى اهالىسندن قيوچى اوغلى
احمدك كيفيت قتلندن دولاي جنايته اتهام اولنام
قصبه مذكورهلى على بن كوده مشك اون بش سنه
مدته كوركه قولنسه دائر قره حصار صاحب سنجاعى
بدايت محكمهسى جزا دائرهسندن ايكنجى دفعه اوله رق
اعطا قلنان اللى التى نومرولى اعلام محكمه تمين
جزا دائرهسنجه تصديق اولمشدر .

اويه قضاسنك خليل اوشاغى قريهسندن كند
اوغلى حيدرى جرح و برادرى اهدى قتل ايتسندن
دولاي جنايته متهم اولان چهارشنبه قضاسنك حليمه
قريهسندن شاكر بن ابراهيم قره اجاج اوغلك اون
بش سنه مدته كوركه قولنسه دائر جانك سنجاعى
بدايت محكمهسى جزا دائرهسندن ويريلن اعلام محكمه
تمين جزا دائرهسنجه تصديق ايدلمشدر .

جانك سنجاغنه تابع ايلك جلاك قريهسندن
كال اوغلى قورنجهك كيفيت قتلندن دولاي جنايته
متهم اولان قريه مذكوره اهالىسندن توفيقك
اون بش سنه مدته كوركه قولنسه دائر لواء مذكور
بدايت محكمهسى جزا دائرهسندن اوچنجى دفعه
اوله رق ويريلن يوز بش نومرولى اعلام محكمه تمين
جزا دائرهسنجه تصديق قلمشدر .

وودينه قصبهسك خوشينش محلهسى اهالىسندن
وانى مچى سر قونك جرح و آندضو ولد يوركى
بالونجهك قتل اولنسنندن دولاي جنايته متهم اولان
محله مذكورهلى وانى ولد طوشى قوسه طودورك
اون بش سنه مدته كوركه قولنسه دائر سلايك
ولاي استناف محكمهسى جزا دائرهسندن ويريلن
طقوز يوز يكرى التى نومرولى اعلام محكمه تمين
جزا دائرهسنجه تصديق اولمشدر .

اتوزنجى نسخه ده مندرج جنايت
محكمهسى اعلامنك بقيهسى :

مدافعه شهودندن ديران افدينك خسته اولدينى
خير و يرلش و ترزى بدروس و مادام فيروز و مادام
ليزه و فوطيى و قلهماتى كلامش اولمغه لى السؤال
متهم و مدافعه و كلى بو شاهدرك جلب و استاعلىرى

طلبندن صرف نظر ايتدكلى سويلدكلى كى مدعى
عمومى معاونى عزى بك دى طرفين اقامه ايتدكلى
شاهدردن صرف نظر ايتك حقتى حائر اولدقلى
بيان ايتلرله ايجابى لى المذكرك طرفنك اقامه ايتدكلى
شاهدرك بالاخره جلبردن صرف نظر ايتك قانوناً
حقارى دركار بولمش اولديغندن شهود مرقومه به
تكرار جلبنامه كوندولمسه لزوم اولديغه متفقاً قرار
ويريلهرك اشبو قرار طرفينه تفهم ايله اولنان استيضاح
اوزرينه طرفين توسيع تحقيقاته متعلق بر كونه طلبلىرى
اولديغنى سويلرله جانب رياستدن تحقيقاتك بولدن
عبارت ايدوكى بيان اولدقده معاون مومى اليه متهم
فوطيى قادينك آق بابا زقاغنده كائن مستاجر بولنديغى
خانه بنى قصداً احراق ايلديكى شهادت و دلائل و امارات
ايله ثابت اولديغندن مجرميته قرار ويرلمسى طلب
ايلدى .

مدافعه و كلى حسين غالب افدى دى شاهدرك
حريقده قونداق صوقق و غاز دوكمك كى برشى
اولديغنى و حريقك خارجدن باقمده اولديغنى و ايكى
اولك آره سندن چيقدىغنى سويلكده اولدقردن خا-
رجدن برينك لغرض باقى احتياى اوله جنى و حريق
مذكورك موكلهسى طرفندن ايقاع ايلديكى ثابت
اوله مديغنى و وقعه كيجهسى موكلهسى بر كيجه اول
اوبوماش و قريده اوكون چاشور بيقامش اولديغنى
جهته قيونك چالديغنى طوبوب آچه ماملرى احتياى
اولديغنى و قيو چالديغنى صره ده انچروده فيصلدى
اولديغنى سويلان شاهد صاغر اولوب ظاهر حال
افاده سنى مكذب ايدوكى و حريقك موكلهسى طرفندن
قصداً ايقاع اولنديغى خبر و يرلمديكى كى شهادت ده
يكديكرينه ميان بولنديغندن موكلهسك برائنه قرار
ويرلمسى طلب و درميان ولدى السؤال متهم دى بر
ديه كى اولديغنى اتيان ايتلرله ختام محاكمه افهام
اوله رق مذاكره اوپه سنه كيدلى .

بروجه مشروح طرفنك ادعا و مدافعه لى استماع
و اوراق تحقيقه مطالعه و تدقيق اولدقندن صكره
ايجاب كيفيت لى المذاكره متهم فوطيى هر نه قدر
انكار تهمت ايتكده و و كلى طرفندن دى بر وجه
محرر مدافعه ايدلمكده ايسده بوباده استماع اولنان
شاهدردن مرهم طوطو بانغيندن اوج كون اول
چاشور بيقامق و دوشيرمك كى متهمك خانه سنده
فوق العاده بر تدبير كوردىكى و بوچاشور بيقامسى
اوج كون دوام ايتديكى و قلوو و عللكسان افدى
و جوزه اوسب وقعه كيجهسى ساعت يدى بچق
راده لرنده يانغين كورلتيلى اوزرينه باقدقارنده
متهمك اوطوردىغنى خانهك زقاق يوزنده كى تحته
قابلامهك اوست طرفى مائى يشيل رنك ايله باقمده

اولديغنى و اهالى طرفندن متهمك قيوسى بر جوق
ديمه لنديكى حالده آجيلمديغنى قصبه خبر و يرلمرينه
و شاهد ديقارنده قلوو و اوسب ايله عللكسان افدينك
افاده لى تايد و تكرار و متهم فوطيىك خانه سك
آرقه قوسندن ايكى صندوق قاچيره رق كندى
باغچلرينه كتوردىكى و متهمك خانه سنده خالى وسايره
كورمديكى مع القسم علاوه كفتارو مغرديج دى كذلك
قلورو و اوسب و عللكسان افدينك افاده لى دائره سنده
اداره كلام ايدرك متهمك خانه سى قيوسى چالديلى زمان
خانه دروننده آياق سى ايشديكى مع العين تذكار ايلررينه
و اظهار حقه مدارا و لى اوزره استماع اولنان بروانت ايله
قائيق و فوطيى قادينلر حريق ايتسانده متهمك
كندى خانه لرينه اوج صندوق كتوردىكى و متهمك
خانه سنده انچى سكر اون ليرالى اشيا بولنديغنى
سويلهرك شاهد ديقارنك افاده سنى تايد ايتلررينه
و مدافعاته كنجه حريق ظهور ايدن محله خارجدن
و قوشونك نجره سندن بشمك غير قابل اولديغنى
جمله شهادتدن اولديغنى كى خانهك خارجدن باقدقارنده
داثر بر كونه احواله دسترس اوانه مامسسه و متهم
كندبرى وقعه كيجهسى زقاق قيو سنه يقين بر محله
باقمده اولدقلى سويلديكندن قيو او درجه ديمه ليش
و چالغش و صارصلمش اولديغنى حالده ايشيديله مامك
قابل اوله ميه جنى دركار اولمسه و متهمك ادعا
شهودندن كيغورقك تبديل مذهب ايدكجكندن
طولاي كندوسنه خصوصتلى اولديغنى حقه ده واقع
اولان طعن و اعتراض قول مجرندة قلوب بر كونه
احوال ايله تايد ايتامسسه و ذاتا بوكى جرم خفى
طويله جندن كيفيت شهادت واقعه دن حاصل اولان
قريه قاطعه ايله اكلا شلديغه و كچه ادا شاهدردن
انطوان ايله بغوص حريقك فوطيىك خانه سى ايله
اكا متصل خانهك آراسندن چيقدىغنى حضور محكمه ده
سويلوب استطاق دائره سنده ايسه آتشي فوطيىك
خانه سك اوست نجره سنده كوردكلى بىيان
اتمش اولدقلى جهته شو ميان افاده لى
آراسندن چيقدىغه دائر اولان افاده لى و جوزه
اوسبك قولايغى آخر ايشديكته متدائر بولنان بياناتى
شيان التفات كوريله مامسسه و مدافعه شاهدردن
بانسته جلى و كيغورق حريقك ايكى اولك آره سندن
چيقدىغنى سويليور ايسه لره افادى امارات ساثره
ايله تايد ايدن ادعا شهودى نقطه حريق تعيين ايتكده
اولميرينه و اظهار حقه مدارا و لى اوزره استماع اولنان
قونديره جى اغوب الك اول متهمك خانه سنده متصل بولنان
خانهك باقمده اولديغنى و اوصره ده متهمك خانه سنده

آتش كورمديكى سويلش ايسده مرقومك بو افا-
ده سى ادعا شهودينك افادانيله مكذب بولمسه و قبول
ايدلان شهادت درجات اوزرينه و قوعبولوب بر كونه
مبايت كوريله مامسسه و متهمك خانه دن هيچ بر اشيا
چيقارمديغنى سويلديكى حالده اوج صندوق اشيا بنى
آرقه قوردن قوشونك باغچسسه اشردىغى جمله اخبا-
راندن بولمسه مبنى متهمك انكارى واهى و مدافعات
واقعه ك دى اسباب مبسوطه ايله مردودى بديهى
اولوب مزبوره ايه فوطيى قادينك اوچيوز اون بش
سنه سى جزيرانك اون ايكنجى كيجه سى يانغالتيده
آق بابا زقاغنده كائن مستاجر اولديغنى خانه بنى
سيغورطه بدلندن استفاده ايتك امليله قصداً احراق
ايلديكى ثابت اولديغندن مزبوره ك اولو جهله مجرميته
متفقاً قرار ويريلهرك محاكمه اوپه سنه عودتله قرار
مذكور علناً قرائت و تفهم اولدقده معاون مومى اليه
مجرمته قرار ويريلن فوطيىك قانون جزانك
يوز آتمش اوچنجى ماده سنه توفيقاً تعيين جزاسنى
طلب و بيان و مدافعه و كلى ايله فوطيى قادين دى
برديه جكلى اولديغنى افاده و اتيان ايتلرله بوجهت
حقدينك محاكمه ك دى ختام بولديغنى تفهم اوله رق
تكرار مذاكره اوپه سنه كيدلى .

جهت جزائيه حقه ده دى مذاكره كيفيت او-
لندقد مجرميته قرار ويريلن فوطيى قادينك حركى
قانون جزانك يوز آتمش اوچنجى ماده سنه موافق
اولديغه ماده مذكوره دى (شهر وقصه و قريه
درونسده مسكون و غير مسكون هر نوع ابنيه ايله
سفينه لره عمداً آتش و يروب احراق ايدن شخص
احراق ايتديكى بنا و يا سفينه بشقه سنك بولنديغنى
و باخود كنديسنك مالى اولوبه آتشك سرايتله
بشق سنك بنا و يا سفينه سى دى محترق اولديغى صورتده
اكر ايقاع اولنان حريق تلف نفسى موجب اولمش
ايسه فاعلى اعدام و تلف نفسى موجب اولاماش ايسه
مؤبد كورك جزاسيله مجازات اولور) ديو محرر
بولنديغه مبنى بوماده حكمه توفيقاً فوطيى قادينك
مؤبداً كوركه قولنسه و اعلام و ضبط و استنطاق
خرجلرى اولان جمعاً يوز سكسان غرو شك مزبوره دن
تحصيليله عدليه و زنه سنه تسليم ايتدولمسه اوچيوز
اون آتشي سنه سى مارتنك طقوزنجى بچشبه كونى
متفقاً قرار ويريلهرك اصول تفهم ايفا قلندى .

اوچيوز اون يدى سنه سى تموزينك يكرى اوچنجى
بازار ايرنسى كيجه سى ككبوزه قضاسنه تابع بايالر
قريه سنده واقع على قواصك قهوه خانه سنده قتيلاً
وفات ايتش اولان مصطفىانك كيفيت جرح و قتلندن
طولاي متهم بولنان خليل حقه ده اجرا قلنان محاكمه

نتيجه سنده مرقومك با لهور فعل قتل مذكوره جرائتى
شاهدرك اخباراتى و معساينه راپورى مندرجاتى
و كندوسنك روش افادانى ايله ثابت اولديغندن اول
وجهله مجرميته و قانون جزانك يوز يمش دردنجى
ماده سنك فقره اولاسنه توفيقاً اون بش سنه مدته
كوركه قولنسه محكمه جنايته قرار ويرلمشدر .

چشمه ميدانلى آرابه جى ابراهيم افانك قارلرلى
سرفت ايدن قره حصارلى سايس يوسف بن عثمانك
اوج آى حبسنه و ختام مدتده ضبطه جه كفايله ربطنه
يدلرنده شقاق توتون دردست اولنديغى ادعا سيله
مظنر اولان اسكدارده سلامى على افدى محله سنده
مقيم قبطى حسين وزردبان قريه سنده مقيم نجرير مولود
بن علينك فعل مذكوره جرائتلى اصولاً ثابت اولد-
يغندن بولردن حسندن يكرى و مولوددن لى غروش
جزاى نقدى آلمسه

قاضى كوينده يل دكرماننده قهوه جى چراغى
بانيله يوركينك قهوه جى ميخاله اطاله لسان ايلديكى
ثابت اولديغندن مرقومدن يارم ليرا جزاى نقدى
اخذيه

ازنيف نام ديكرله مقروه جى ضرب و جرح
ايتسندن دولاي مظنون اولان ميخانه جى يوركينك
خدمتكارى و يچن ولد اندونك ايكى آى حبسنه

غلطه ده ساكن چالغىجى آرتينك مارغينى ضرب
ايلديكى ثابت اولديغندن برهفته حبسنه

دولاب دره سنده پدى مغرك دكانى جاملرلى
شكست ايدن بروانتك اوج كون حبسنه و اون بش
بشك جزاى نقدى اخذيه

خاصكويده قول مناره محله سنده ساكن قهوه جى
نيقولينك درسعادت كمر كنده سمسارلق ايدن علقونك
خانه سنه طاش آديغنى ثابت اولديغندن اوج كون
حبسنه و اون بشك جزاى نقدى اخذيه

غلطه ده قره اوغلان زقاغنده راتيانك خانه سنده
اوشاللق ايدن ارزاقك ميخانه جى نيقولى ضرب
ايلديكى ثابت اولديغندن مرقومدن بر بچق ليرا آلتوب
مضروبه اعطاسه

انكلتره دولتى تبعه سندن و مرانغوز اصنافدن
انجولوك غلطه ده كمر آتنده اتمكجى ميخال ولدنا يوطى
ضرب ايلديكى ثابت اولديغندن كنديسندن بر ليرا
آله رق مضروبه اعطاسه

پوليس مأمورى حسين افدى به حقارت ايدن
قيوجى يوركين بر آلتون جزاى نقدى اخذيه
مضارب ايتدكلى ثابت اولان كتايحيلر ده صابونجى

خانى آغزنده قاللى ايدن مانتو و نارلى قيوده حصار
دينده ساكن زابل ولد سركز و آغاولينك بر هفته
واتمكجى زوينك دى اون كون حبسلىرله

يوركى ضرب ايدن ديون عموميه قواصلردن
بانيله قاسم بن يعقوبك بر هفته حبسنه

غلطه مرقومده مستخدم قوميسر تانى حافظ
توفيق افدى ضرب ايدن كاغده خانه على بك
كوينده چوانلق ايدن اسلام بن سليمك اون كون
حبسنه

معونه جى اينه بوللى مصطفى بن حسنك قيان
دقيقده اسكه باشنده ساكن بارطينلى حسن بن محمدى
ضرب ايتديكى ثابت اولديغندن برهفته حبسنه

يكديكرى ضرب ايدن آتلى مرمرده ساكن
شعبان و مرمره افنديه حماللق ايدن احمد بن مصطفى
و طويخانه ده ساكنه فاطمه بنت مصطفى و بايزيدده
آشچيلق ايدن بوللى محمد و حاجى حمزه محله سنده
ساكن خدمتكار اسماعيل و غلظه حلالردن يواكم
ولازارينك بر هفته حبسلىرله

قومقيوده حوضلى حمام جوازنده ساكن قهوه جى
ميخالى ضرب و مرقومه تشهير سلاح ايتديكى ثابت
اولان نشايه ده ساكن مجلد ايرانى عباس على بن محمد
علينك اون كون حبسنه

بك اوغلنده يكيشهرده ساكن قصاب نيقولينك
غلطه ده محكمه زقاغنده مقيم ايساقل براقه سنه سرفت
قصديه ليلاً دخول ايتديكى ثابت اولديغندن آتلى
آى حبسنه

قصاب عزى ضرب ايدن پوليس علاه الدين
افدينك برهفته حبسنه

اسكدارده مناولق ايدن شوكت بن امين ايله
بالچلى مصطفى و غالبك يكديكرى ضرب ايلديكى
ثابت اولديغندن بر هفته حبسلىرله

قره اغاجده طوغله خرماتجيسى جورجى
ولد يوانى ضرب ايدن صرافيمك اون بش كون حبسنه

قاسم پاشاده ساكن قزناغى احمد بن صالحك
محل مذكوره مقيم فكره خاتمك كيجه لين جبراً
خانه سنه دخول ايتديكى اكلا شلديغندن اوج ماه حبسنه

اورته كويديكى محله ده ساكن طباطبى سمونك
ستراقى و مارديروسك دى طباطبى رفائى ضرب
و جرح ايلديكى ثابت اولديغندن مارديروسدن بر
ليرا آله رق رفائله و سمونك دى بر بچق ليرا
آلتوب ستراقه ويرلمسه

اسراى زنجيدن بولندقلى تحق ايدن لطافت
و عايشه ك اسراى زنجيه نظامه سنك ايكنجى ماده سى
موجبجه يدلرينه بر قطعه عتقنامه اعطاسه

سلسلہ علی عبداللہ صاریک زرد خسرو پاشا
محکمہ سندہ ساکن حسینک اچہ واشیاسنی طولاندی دینی
ثابت اولدیغندن اوچ ماه حبسیله برابر لیرا جزای
نقدی اخذینہ

بازیدده یول کچن خانسده اقامت ایدن تیمورجی
یسن بن سلیمک دیلوماسز اجرای طبابت ایلدیکی
اکلاشدیغندن طبابت بلدیہ نظامنامہ سنک اون ایکنجی
ماده سی موجبجه ایکی لیرا جزای نقدی اخذینہ
حال انترانیکنک مجارده اشکمه جی یقوشنده ساکنه
الینی جرح ایتدیکی ثابت اولدیغندن اوچ ماه
حبسنه

استانبولده قوطیجی خانسده اقامت ایدن مناو
یورکینک بک اوغلنده ساکنه رکنایه اخافه قصدیله
تشیہر سلاح ایلدیکی تحققی ایتدیکندن بر هفته
حبسنه

اوق میداننده ساکن محمد فوآدک آشجی اغوبک
باقرلرینی سرقت ایلدیکی ثابت اولدیغندن اوچ ماه
حبسیله بر سنده ضبطیه نظارتی آلتده بولندیلمسده
درسعات ، بک اوغلی واسکدار بدایت محاکمی جزا
دائرله نجه قرار ویرلمشدر .

اعلانات

درسعات منابت محکمہ سندہ :

عبد الحليم ومحمد وحسن اغالرك بارکیرلرینی
سرقت ایتدیکی اداسندن دولای جنایتله اتهام
ایدیلوب موقوف بولنان اسماعیل حق وقبرک شریک
تهمتلری اولدینی ادعا قلنان وسافر اغاجنده قره مان
محله سندہ بستان خانمک خانه سندہ مستأجراً ساکن
ایکن فرار ایدن اورته بویلی سیاه صاج ، وقاشلی ،
الا کوزلی ، بیوک اغزلی ، مطروش قوش باز احمد بن
محمد دردست اولنه مامش اولدیغندن تاریخندن اعتباراً
جانب ریاستدن کندوسنه مجدداً اون کون مهل اعطا
قلنمشدر . مهل معین ظرفنده کلدیکی حالده قانونه
اطاعت ایتمامش نظریله باقیله رق حقوق مدنیه دن
اسقاط قلنه جینی ومحاکمه غایبه سی اناده اموالی حجز
آلتنه آلنه جینی وبوصرده برکونه ادعا یه حق اوله
میہ جینی کی معامله حجزیه حقنده دخی مدعی
عمومیلکه تبلیغات مقتضیه اجرا ایلدیکی جهتله اصول
محاکمات جزائیہ قانوننک اوچیز یتیش برنجی واوچ
یوز یتیش ایکنجی ماده لری احکامنه توفیقاً اشبو قرار
نامه بالتنظیم اعلان اولنور .

تجارت بحریہ محکمہ سندہ :

غلطه ده یوکسک قالدیرمده ساکن مفلس ژوزف
استاینغارد ذمتنده آلاجنی اثبات ویا موقتاً قبول
وقید ایتدیرمش اولان آلاجلیلرک قانوننامه تجارتک
۲۱۱نجی وانی ولی ایدن ماده سی موجبجه مفلس
مرقوم طرفندن تکلیف اولنه جق قونقورداتونک
مذاکره سی ایچون اشبو ۳۱۷ سنه سی کانون نایسنک
اون دردنجی بازار ایتسی کونی ساعت یدی راده .
لرنده تجارت بحریہ محکمہ سنک افلاسه مخصوص
اوطه سنه کلری اعلان اولنور .

ژوز قومیسر

غلطه ده ویواده جاده سندہ ۱۱۸ نومرولی دکانده
اجرای تجارت ایدر ایکن افلاسه قرار ویرلمش اولان
نسیم شالومک تحقیق دیون معاملاته ابتدار اولنه جغندن
مرقوم ذمتنده آلاجنی اولانلرک اوراق مثبته لرینی
حامل اولدقلری حالده ۳۱۷ سنه سی کانون نایسنک
یکرمی برنجی بازار ایتسی ویکرمی ایکنجی صالی ویکرمی
اوچنجی چهارشنبه کونلری ساعت آلتیدن طقوزه قدر
تجارت بحریہ محکمہ سنک مصالح افلاسیه اوطه سنه بالذات
ویا بالوکاله مراجعت ایدرک آلاجلرینی تحقیق دیون
دفترینه قید ایتدیرملری لازم کله جکی وایام مذکوره
ظرفنده مراجعت ایتمانلر حقنده تجارت قانوننک
۲۱۰نجی ماده سی احکامنک موقع اجرایه قونیله جینی
اعلان اولنور .

غلطه ده بیوک تونل خانی آلتنده کی دکانده مطبعه جی
ز . قسطنطنیهدیسک ۸ کانون ثانی سنه ۳۱۷ تاریخندن
اعتباراً اعلان افلاسنه و مصالح افلاسیه نیک رؤیت
وتسویه سی ضمنتده اعضای محکمہ دن عزتلو مارقار
افدینسک ژوز قومیسر وعلکساندر افندی بیرام
اوغلنک موقت سنیک تعینلرینه ومغازه سیله اشیای
زائده بیتیه سنک تمهیرینه واوراق ودفاترینک حلبنه
وکفالت ارانه ایده مدیکی حالده حبس وتوقیفنه
وبوبابده کی قرارک موقتاً اجراسنه محکمہ تجارت
بحریه جی قرار ویرلمش اولدیغندن قانوننامه تجارتک
۱۷۰نجی ماده سی موجبجه دائمی سنیدیکر انتخاب
اولنق اوزره اشبو ۳۱۷ سنه سی کانون نایسنک یکرمی
ایکنجی صالی کونی ساعت یدی راده لرنده اصحاب
مطلوبک محکمہ مذکوره نیک افلاسه مخصوص اولان
اوطه سنه کلری اعلان اولنور .

اعلامات نظامیه اجرا دائره سندہ :

بدوس اغانک بااعلام نظامی طودوری ولد
استاوری ذمتنده آله جینی اولان مبالغت تأمین
استیفاسیچون مدیونک عهده سندہ اولوب حکماً
محجوز بولنان بک اوغلنده ایاس پاشا جوارنده
تخمیناً وتریباً یوز یکرمی آرشوندن عبارت اون
ایکی نومرولی برقطعه عرصه تمامنک تاریخ اعلاندن
اعتباراً اون بش کون صکره بالمزایده فروخته
تشیث اولنه جینی درسعات اعلامات نظامیه اجرا
دائرہ سندن اعلان اولنور .

اعلامات شرعیہ ونظامیه اجرا وزنده دار سابق
علی بکک اعطاسنه محکوم اولدینی مبالغت تأمین
استیفاسیچون مدیون مومی الیهک عهده تصرفنده
اولوب حجز آلتنه آلتان خواجه پاشاده قره کی حسین
چلبی محله سندہ ابن کمال جاده سندہ تخمیناً یوز اوتوز
آرشون عرصه اوزرینه مبنی فوقانی وتحتانی آلتی
اوطه وقرق آرشون بانچه ایله مشتملات سائرہ یی
حاوی شهری درتیوز غروش ایجار کتورر برباب
کارکیر خانه نیک تمامی بالمزایده عثمانی لیراسی یوز
غروش حسابیه اوتوز بش بکک التی یوز غروش
بدل ایله طالبی عهده سندہ تقرر ایدرک موقتاً قرار
داده سی کشیده قلنمش اولدیغندن یوزده بش ضم ایله
طالب اولانلرک پی اچهلریله برابر اوتوز برکون
ظرفنده درسعات اعلامات نظامیه اجرا دائره سندہ
مراجعت ایللری اعلان اولنور .

مطالب قضاسی بدایت محکمہ سی ریاست سندہ :

صوابشی قریه لی ذوی الکفل پهلوانک چتالجه لی
بقال یورکی یه محکوم اولدینی مبالغ معلومه نیک تأمین
استیفاسی ایچون مدیون مرقومک صوابشی قریه سندہ
چفتلک اراضی سندہ متصرف اولدینی محجوز اوچ
دوئم برقطعه چایرک بشیوز وکره میت خانه موقعنده
بش دوئم دیگر برقطعه چایرک سکر یوز غروش بدل
ایله طالبی عهده سندہ تقرر ایش اولمغله یوزده بش
ضمیله طالب اولانلرک اوتوز برکونه قدر چتالجه
قضاسی بدایت محکمہ سی اجرا دائره سندہ مراجعت
ایللری اعلان اولنور .